

Plastik kartaga xizmat ko'rsatish va undan foydalanish haqida ShARTNOMA

20__ yil " __ " _____ № _____ shahri

"Trastbank" xususiy aksiyadorlik bankining _____ filiali (keyingi o'rinlarda – Bank) boshqaruvchisi _____ Nizom va Ishonchnoma asosida faoliyat yuritib, bir tomondan, va jismoniy shaxs _____ (keyingi o'rinlarda – Mijoz), ikkinchi tomondan, mazkur Shartnomani quyidagilar haqida tuzdik.

1-§. Shartnoma predmeti

1. Mijoz tomonidan belgilangan tartibda ko'rsatilgan xizmat va mahsulotlar uchun plastik karta orqali hisob-kitoblarni amalga oshirish bo'yicha Bank xizmatlaridan foydalanish yuzasidan Bank va Mijoz o'rtasidagi o'zaro munosabatlarni tartibga soladi.

2. Plastik karta Mijozga savdo va servis xizmati ko'rsatish joylarida tovar va xizmatlar uchun hisob-kitobni amalga oshirish huquqini beradi.

3. Plastik karta, Mijoz tomonidan jismoniy shaxs plastik kartasini olish uchun ariza to'ldirilgan va Bank tarifiga muvofiq plastik kartadan foydalanish uchun to'lov amalga oshirilgandan so'ng, muomalaga chiqariladi.

4. Plastik karta amal qilish muddati davomida Bankning mulki hisoblanadi, u amal qilish muddati tugagandan so'ng yoki almashtirilganda yoxud Bank talabi bo'yicha Bankka qaytarilishi lozim.

2-§. Tomonlarning huquq va majburiyatlari

5. Bank quyidagi huquqlarga ega:

a) Mijoz tomondan ushbu Shartnoma va plastik kartadan foydalanish bo'yicha yo'riqnoma shartlari buzilganda plastik kartaning amal qilishini to'xtatish;

b) O'zbekiston Respublikasi qonun hujjatlarida belgilangan hollarda plastik kartaning amal qilishini to'xtatish.

v) plastik kartadan foydalanishga oid Bank tariflariga qo'shimcha va/yoki o'zgartirishlarni, ular kuchga kiritilishidan bir oy oldin bu haqda tegishli axborotni, shuningdek ushbu Shartnoma yuzasidan qo'shimcha bitim loyihasini www.trustbank.uz veb-sayti va Bank filiali binosida joylashtirish orqali Mijozni ogohlantirib, kiritish. Agar ushbu qo'shimcha va/yoki o'zgartirishlar kuchga kiritiladigan sanagacha Mijoz tomonidan imzolangan qo'shimcha bitim yoki uni imzolashdan bosh tortganligi haqida yozma xabar Bankka taqdim qilinmasa, bu hol O'zbekiston Respublikasi Fuqarolik kodeksining 366-moddasiga muvofiq Bank tariflariga kiritilayotgan qo'shimchalar va/yoki o'zgartirishlarga Mijozning to'la roziligini bildiradi.

6. Mijoz quyidagi huquqlarga ega:

a) plastik karta maxsus hisobvarag'iga mablag' o'z vaqtida kirim qilinishini Bankdan talab qilish;

b) plastik karta maxsus hisobvarag'ini cheklanmagan miqdorda mablag' bilan to'ldirish;

v) plastik karta maxsus hisobvarag'idagi aylanmalar bo'yicha ko'chirmalar olish.

7. Bank quyidagi majburiyatlarni o'z zimmasiga oladi:

a) Mijozga, u tomonidan plastik karta olish uchun ariza berilgandan so'ng, plastik karta maxsus hisobvarag'i ochish;

b) Mijozga uning talabi bo'yicha plastik karta maxsus hisobvarag'ining holatiga oid ko'chirmani taqdim qilish;

g) Mijozdan "on-layn" plastik kartaning yo'qotilganligi to'g'risida ariza olingandan so'ng, ariza tushgan paytdan ushbu plastik karta bo'yicha operatsiyalar amalga oshirilishini to'xtatish;

e) Bank tariflari asosida plastik karta maxsus hisobvarag'idagi qoldiq summaga foiz hisoblash.

8. Mijoz o'z zimmasiga quyidagi majburiyatlarni oladi:

a) plastik kartani olgandan so'ng uning PIN-kodini o'zgartirish va o'z PIN-kodini begona shaxslarga oshkor etmaslik;

b) Bank tariflari asosida plastik kartaga xizmat ko'rsatish bo'yicha Bankning barcha xizmatlari uchun to'lovni amalga oshirish;

v) ishdan bo'shayotganda yoki o'qishni tugatganda Bankka plastik kartani bir ish kuni davomida qaytarib berish.

3-§. Tomonlarning javobgarligi

9. Bank quyidagilar uchun javobgar hisoblanmaydi:

a) Mijozdan ijozat olmay legitim PIN-kod orqali plastik karta ishlatilganligi uchun;

b) jo'natuvchi-bank tomonidan pul mablag'ining ushlab qolganligi sababli uni Mijozning plastik karta maxsus hisobvarag'iga o'tkazmaganligi uchun.

9-1. Bank quyidagilar uchun javobgar hisoblanadi:

a) Mijozga u talab etgan hajmda xizmat ko'rsatilmaganligi uchun;

b) Mijozga xizmat ko'rsatish asossiz rad etilganligi uchun.

10. Mijoz quyidagilar uchun javobgar hisoblanadi:

b) agar "on-layn" plastik karta yo'qotilgan bo'lsa, Mijoz bu haqida Bankka yozma murojaat qilingunga qadar o'tkazilgan barcha tranzaksiyalar bo'yicha.

4-§. Shartnomaning amal qilish muddati

11. Mazkur shartnoma 1 (bir) yil muddatga tuzildi, agar uning muddati tugashidan eng kamida bir oy oldin tomonlardan hech kim ushbu shartnomani bekor qilish to'g'risida yozma tarzda xabar bermagan holda, uning muddati keyingi davrga uzaytirilgan hisoblanadi.

12. Mazkur shartnoma uni tomonlar imzolagan paytdan boshlab kuchga kiradi.

13. Shartnoma bekor qilinganda yoki plastik kartadan foydalanish muddati tugaganda, Mijoz plastik kartani Bankka qaytarib berishi shart.

5-§. Shartnomaga qo'shimcha va o'zgartirishlar kiritish

14. Shartnomaga kiritiladigan barcha qo'shimcha va o'zgartirishlar tomonlar o'rtasida yozma ravishda kelishilgan bo'lishi lozim, ushbu Shartnoma 5-bandining "v" kichik bandiga muvofiq kiritiladigan qo'shimcha va/yoki o'zgartirishlar bundan mustasno.

6-§. Shartnomani bekor qilish

15. Tomonlar ushbu shartnomani, bir-birlariga bir oy oldin yozma xabar bergan holda, bekor qilishi mumkin.

16. Shartnoma Mijozning tashabbusiga ko'ra bekor qilinganda, u ushbu shartnoma bekor qilgunga qadar va bekor qilingandan keyin, agar plastik karta Bankka qaytarilmagan bo'lsa, o'tkazilgan barcha tranzaksiyalar bo'yicha to'liq javobgar hisoblanadi.

17. Shartnoma bekor qilinganda Bank Mijozning plastik karta maxsus hisobvarag'ini yopadi, undagi qoldiq summani Mijozning arizasiga ko'ra naqd pulda beradi yoki ko'rsatilgan hisobvaraqa o'tkazadi.

7-§. Nizolarni hal qilish

18. Barcha kelishmovchilik va nizolarni tomonlar muzokara yo'li bilan hal etadi. Muzokara natijasida tomonlar o'zaro kelishuvga erisha olmagan taqdirda, nizo O'zbekiston Respublikasi qonun hujjatlarida belgilangan tartibida hal qilinadi.

8-§. Yakuniy qoidalar

19. Shartnoma bir xil yuridik kuchga ega bo'lgan ikki nus'hada tuzildi, uning bir nus'hasi Bankda, ikkinchi nus'hasi Mijozda saqlanadi.

20. Shartnomaga muvofiq tarzda yoki unga bogʻliq holda yuborilgan barcha xat va xabarnomalar yozma tarzda rasmiylashtirilgan boʻlishi shart va ular tomonlarning quyida koʻrsatilgan manzillari boʻyicha buyurtma xat orqali yuborilgan yoki shaxsan yetkazilgan hamda ularni olganlik toʻgʻrisida tasdiqnoma mavjud boʻlsa, ular belgilangan tartibda taqdim etilgan hisoblanadi.

21. Mazkur shartnoma bilan belgilanmagan barcha holatlarda tomonlar Oʻzbekiston Respublikasi qonun hujjatlariga muvofiq tarzda ish olib boradi.

7-§. Tomonlarning pochta manzili va rekvizitlari

Bank:	Mijoz:
Manzili: _____	Manzili: _____
Tel.: _____ Faks: _____	Telefon: _____
Bank kodi: _____	Pasport, seriya _____ № _____
Bank hisobvaragʻi: _____	Qachon va kim tomonidan berilgan _____
STIR: _____	(imzo)
Boshqaruvchi: _____	
Muhr	